

龍南孫氏宗譜

卷首

龍南孫氏宗譜序

家譜乃家族歷史載體，吾輩文化根脉。《餘姚龍泉孫氏譜系》自民國元年修撰，至今已百餘年。其間社會變動頻繁，修譜誠屬不易。今之修譜，實為幸事。編委會囑我作序，雖感惶恐，但心生喜意，上孝祖先，禮賢左右，為吾子孫傳有所憑，久久可鑒，自當全力而為。

據史料考證，孫姓來源較多，主要有三：一出自姬姓衛國，一出自牟姓楚國，一出自媯姓齊國。吾龍南孫氏為齊國后傳，尊始祖宏四正奉（公元八九五—九七〇），是孫姓始祖孫書五十代孫。其父孫偃字龍光（公元八四〇—九一六），原為山東樂安人氏，唐僖宗乾符五年（八七八）狀元，官居唐禮部尚書、宰相，封樂安

龍南孫氏宗譜序

侯。因上疏極諫被奸臣奪爵，率其徙居餘姚四明鄉（今餘姚市梁弄鎮），為四明『敦睦堂』始祖。其次子廣七字宜肅（九二六—九八六）派住燭湖據《四明孫氏宗譜》，是后唐開運進士，官至兵部尚書。吾宗自鼻祖宏四公至今已歷千餘年矣！

中華五千年文明經久不息，原因衆多，而家族制度乃其中一重要因素。家族制度維系族群抱團相依，綿延不絕，其長盛不衰，仰賴祠堂、家譜、族產諸要素維系。吾餘姚龍泉孫氏建有宗祠詒謀堂。堂名典出《詩經·大雅》，取其『深謀遠慮，榮昌子孫』之意。宗祠明初建於山青水秀之燭湖山麓，清康熙間原址拓闢重建，一八〇六年移建黃家墩前。移建后的祠堂氣勢恢弘，建築精湛，曾有『出餘姚侯青門第一祠』美譽。祠堂有祠產田百餘畝。祠堂內長期辦有學堂，新中國建立后，辦過小學中學，也曾駐過鄉（公社）政府機關，開設過工廠，一度成為龍南地區政治經濟文化中心，后

因故拆除。二〇一三年初秋，在祠基上建起一幢三層七間現代樓宇，成爲龍南村社區服務中心和文化禮堂。禮堂內闢有吾始祖神堂，專設始祖神位，供族親敬懷瞻仰。

龍南孫氏凡一千多年，傳三十九世，子孫興旺，世代傳承先人崇揚書風、勤勉向上之崇高品德和優良傳統。早在清康熙間，文光公重建祠堂時，祠內就闢子孫讀書處，距今已三百多年歷史；歷代每年從祠堂田租息中，拿出部分用于資助族內家貧不能讀書者；自唐宋至民國元年，錄入慶四公下宗譜的進士十三名、鄉試正榜四名、鄉試副榜一名、大夫八名、異塗雜職四十六人、庠生三十二人；本次修譜又新錄入國家公務員二十多人、大學本科、碩士博士、教授副教授等高學歷人才一百三十多名。他們或從政、或執教、或務工、或經商：忠貞體國，惠澤及民，禮樂詩書，大振家聲，踴躍投身國家建設事業，取得驕人成績，做出重要貢獻。

一九五六年『龍南合作網』受到了開國領袖毛澤東的批示，爲上級及四方瞻顧敬佩。合作社網的發源地就是本族橫涇河。登拜祠堂觀遠山近湖，族親宗德淵泓之精神品質和家族風範實一以貫之，指不勝屈。

望族大姓，人口衆多，歷史悠久，本次重修龍南孫氏族譜，自是任務繁重。編委會特別是編寫小組成員克服困難，內查外調，數上四明鄉，問專家，訪宗親，上網絡，閱檔案，三易其稿，四輪校核，歷時兩個春秋，終得圓滿完成。我數次對錦德叔爲首的小組成員表示敬意，感謝他們爲家族無私奉獻，功德無量。吾輩宗親爲修譜亦各自獻策出力，衆親團結，形成合力，篇幅所限，無以盡道。僅借此贊賞，望族人承繼發揚之。

時代變遷，人口流動，放眼全球與關注宗族實爲一體之兩面。此次宗譜雖能成稿，尚存遺憾。期待現龍南村孫氏子孫，在新社會

繼承中華傳統美德，心懷感恩，友善進取，人旺村興，光宗耀祖。
期許各位宗親跟隨黨及政府脚步，聚集于孫氏宗譜旗下，以合適方
式補充納新，更臻完善。
是爲序。

河海大學教授 原人文學院院長 博士生導師

龍南第三十五世孫 其昂 拜撰

公元二〇一六年清明

龍南孫氏宗譜序

序

夫家之有譜猶國之有史所以溯本源序昭穆由來尚矣且也支派分而隆替見親疏別而貴賤明則凡生諱居葬行第配氏靡不瞭然吾宗孫氏為樂安孫系出虞舜之後昔周武王封舜裔於陳春秋時陳敬仲奔齊改姓田氏閱五世而陳書伐莒有功景公賜姓孫食采於樂安厥後子孫蕃衍分居歙州睦州南陵諸處有自歙睦而遷姚者有自歙睦出仕於外而轉輾遷姚者雖先後不齊凡遷姚孫氏各稱世族但吾宗譜有明初悉遭丙丁弘治四年續修譜序云吾家樂安孫氏其先本睦州人漢長官高祖蒸仕山東

入籍父為天平節度使長官統兵封樂安侯上疏極
諫被奸奪爵率子宏四正奉徙姚之四明鄉此序雖
失傳而讀文光公宗祠碑記可知系出樂安遷由睦
州源流甚明也至九世貢士正夫公擇葬龍泉鄉燭
湖新畧東壟之原十世監孫公贅山陰馬氏就住山
陰十一世進士旭陽公以祖墓遠隔艱於展省因遷
父柩而歸葬新畧子孫遂家焉故四明敦睦堂以樂
安侯為始祖龍泉詒謀堂尊宏四公為始祖自宏四
公傳十三世而有慶一慶四二公慶一原為新畧之
鼻祖慶四則為再遷湖頭之鼻祖矣遷龍泉之後向
無譜牒及清嘉慶間有梅川之同姓若彝公由四明

宗譜手錄之且搜錄慶一慶四二公派至二十一世止遽歸道山厥後光緒間三十一世姚魁公慮其散佚而無統乃創增修之舉不吝己貲遂任續之雖二十一世之前文獻足徵而二十二世起窮搜博採至三十四世止惜乎桑榆景晚外地不及採訪又遭玉樓之召故我詒謀堂僅有抄譜初慶四公之下凡五傳而分智仁聖義中和六房湖頭遷住之後本為慶四公子姓叢居者廼經刼遇紅羊就此悲歌黃鳥當有宅夫橫涇河者則為智大房之孟大房而智二智三亦居焉吾祠初建燭湖山麓移建黃壑兩派各立祠產各舉祠董慶一公祠產較微所有祠內公用一

切承任六股之一每年清明冬至演優祭祖亦歸六
年內承值一年前輩房董議立章程相延已久我慶
四公下前輩多方醵款得產百餘十畝己酉冬各房
董因前總董老邁推卸祠事爰命蓮經理蓮在泗門
營生原不能任此艱鉅乃既承房長之命曷能堅辭
竊以從前迭次修譜均未告竣不若此事先行舉辦
因此到祠謀諸房董皆蒙允諾用是折祭修譜執有
立議不敢望有功也聊以寓敬宗收族之意至若散
處他方理宜採訪茲以風聲鶴唳殊屬驚心兼之舟
次旅邸費增數培出門大有不便由此且擬從緩謹
將姚魁公之前譜出貲歸公擴而充之易為五世瓜

民國譜序

從譜依其舊而有所未接者在近一一採入在遠已貼招登報先錄接入清章若干冊各房董收藏姑俟世界平靖年成豐亨廣採他方庶幾刷印完工增美前人可告無罪於祖宗則不第蓮等之幸抑亦散處者之所共幸爾是為序

新漢民國紀元歲舍壬子孟夏吉旦

三十二世孫蓮舫百拜謹撰

序

我詒謀堂慶四公派下前董年邁旋將祠事推卸顧
福等忝為家督理應另選新董彙議之下公舉得
進思公裔蓮舫總理祠事則與前董為從昆弟仍寓
故國世臣之意非有私也蓮舫却不推諉即以續譜
為請福等雖力穡無知亦識譜為祠下之公益遂從
其請然我慶四公派下既為公願尤必商諸慶
一公下之房董爰於庚戌清明之前預邀祠下兩派
房董妥商修譜一事皆樂於贊成及清明祭祖已畢
兩派合立議據議定修譜經費慶一公派仍照舊
例六股之一我房聽任六股之五祭既各立自宜各

民國譜序

折譜宜合修自應同舉畫押各執並不嫌疑詎料是年冬至慶一公房董漸生枝節謂此議不合且欲重立蓋以議詞內略敘前情數語即刪去亦不妨福等允之訂於次年清明重立議據彼亦無他詞由此延師設局安排舉行誰知得步跨步比清明新議甫立未押脅逼前議火化方始畫押不得已即將前議付火且謂新議詞我等盲人不能識字義須轉質之通士於心始安此言情在理中福等更允之越五日房董來祠竟謂房下不願折祭此事且作罷論然福等既折祭舉公不能中止第以同祠而分祭偶或有之茲則合族而分譜豈非絕無僅有之事哉因此權書

孫氏譜系而列以慶四公派不敢謂宗譜也未免貽
後世之疑特書顛末於卷首庶後之覽斯譜者知分
修之因并能明分修之咎正不在我房而我房早念
親親之誼實係慶一公派之房董有不容我念云
時在

中華民國元年歲在壬子四月之吉

慶四公裔總房長孫金福全各房長等謹識

大宗譜序

樂安孫氏世譜序

孫氏之先出自虞舜堯妻二女居於媯汭因以為姓
曰媯氏舜傳天下於禹而舜之子商均為封國有夏
之時或失其緒當殷之興得舜之後曰虞公光以為
諸侯封遂以遂字為號光生虞遂公泰泰生虞遂公
覆覆生虞遂公頻頻生虞遂公庸庸生虞遂公表表
生虞遂公環環生虞遂公岳岳生虞遂公靈靈生虞
遂公希希屬殷末遂失其國於是子孫中微武王克
殷復求舜后曰遏父即虞遂公希之子為陶正武王
賴其器用以元女大姬配之遏父生子曰滿封於陳
以奉帝舜之祀卒謚胡公胡公生申公羣侯申公生

孝公突突生慎公圉成圉成生幽公甯甯生釐公孝
孝生武公靈靈生平公變變生文公圉圉生厲公陀
陀生完字敬仲為陳大夫及宣公杵臼立殺其太子
禦寇完因善禦寇懼禍及遂奔齊因所食采邑改姓
田齊懿仲以女妻之完生穉字孟夷孟夷生緡字孟
莊孟莊生文子文子生須無須無生桓公字無字生
書字子占為齊大夫伐莒有功景公賜姓孫氏食采
於樂安書生憑字起宗為齊卿憑生武字長卿是時
田鮑四族圖危社稷遂奔吳以兵術干吳王闔廬用
以為將著兵法十三篇行於世武生明字景浩以父
功食采於富春遂為富春孫氏明生贖字嘉謀初任

大宗譜序

魏為將軍龐涓嫉其能陰以法中之而刖其足於是
密因齊使者後載於齊齊王欲將臚辭不可乃將田
忌以臚為軍師輸計斬涓於馬陵虜魏太子申臚生
勝字國輔為秦將勝生蓋字光道為秦漢中太守蓋
生知字萬方秦封武信君知生念字甚然為秦右侍
尚書念生益字玄器秦封東吳侯益生卿字伯高當
漢文帝時為侍中卿生馮字景純為漢武帝大將軍
馮生洵字會宗為漢宣帝安定太守洵生二子長鸞
次騏字士龍為漢平帝邑令騏生賈字子遂為漢帝
光武天水太守徙居青州賈生厚字仲殷為漢帝大
將軍之掾厚生瑤字良玉為漢殤帝中郎將瑤生邃

字伯淵為漢順帝清河太守邃生儵字士彥為漢質
帝洛陽令儵生國字元明為漢桓帝尚書郎國生耽
字玄志為漢靈帝漢陽太守耽生二子長鍾次旃鍾
追尊孝懿王鍾生二子長賢次堅字文臺任長沙太
守生四子長策次權三翊四匡策字伯符權字仲謀
與劉曹鼎分雄踞跨有江東三世而皓遂亡其國旃
字子之為漢獻帝太原太守旃生二子長炎次厯炎
字叔然為魏明帝祕書監人稱東州大儒炎無子以
堅子匡為後匡字叔贊封保甯王生稜字仲觚為魏
常道鄉公天官令稜生道恭字雅遜為晉長秋卿道
恭生三子長顗次顗三芳顗字士若為晉中書令顗

大宗譜序